

CONFERENCE
FAICTE ENTRE
MONSIEVR LE DVC
d'Espemon, & monsieur de Genouil-
lé depute de la Prouince de Xain-
ctonge.

M. DC. XVI.

CONFERENCE

AT THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE



CONFERENCE

FAICTE ENTRE

MONSIEVR LE DVC

D'ESPERNON, ET MONSIEVR

de Genouillé, député de la Prouin-
ce de Xainctonge.

MONSIEVR,

Je viens de la part de Messieurs
de la Rochelle, pour vous dire qu'ils
ont receu commandement de sa Ma-
jesté de n'innouer ou alterer rien sur les
différents meuz entre vous, lesquels
pour faciliter il renuoye Mr de Boissize
resolus d'obeir à ce commandement,
& nous a enuoyé coppie de ladicte let-

tre pour vous presenter, s'assurât qu'en
auez receu autant en mesme temps.

Je n'ignore point que Messieurs de la Rochelle n'ayent receu ce commandement, mais quant à moy, ie n'ay nul commandement, ils m'ont constitué en des grandes despences, lors que Mr de Boissize sera venu ie parleray à luy, & il m'escontera: Je suis plus ancien Conseiller d'Estat que luy, mes Regimens sont desia sur pied, leur rendez vous est donné, ie ne puis plus m'en desdire.

Mr, vous m'auez promis de ne point faire auancer vos troupes, iusques à ce que ie leur eusse escrit, & cependant il en aduance tous les iours, Messieurs de la Rochelle veulent tesmoigner qu'ils sont & veulent estre obeïssans au Roy. Et si les affaires s'aduancent plus auant, ce sera donner de la peine audit sieur de Boissize, & les contraindra de prendre garde à eux.

Quand à la promesse, le temps est expiré, & pour la peine que le Sieur de Boissize aura

d'avantage i'en suis tres-aise.

Le Maire de la Rochelle m'a escrit ces iours passez que ie le molestois en son Gouvernement, ie l'apprendray à parler, & luy feray cognoistre qu'il n'y a autre Gouverneur que moy en Aulnis, ie veux avoir le mien.

Monfieur, il y a long temps que ces contestations sont entre vous, le Roy enuoye expres Mr de Boissize pour terminer cet affaire, supercedez iusques à sa venue, & il vous donnera contentement.

Corbien ie veux avoir le mien, le Roy ne peut me l'oster.

Je scay que Mr de la Trimouille est avec eux & contre moy: mais qu'il n'oublie rien en ses maisons, car ie luy mettray vn Marquis de xviiij. ans en teste, accompagné de quatre mil hommes qui le verront de près.

Mr, ie voy que vous estes porté à l'exécution de vos desseins, voulez-vous que ie leur rapporte les paroles que me dictes: car il y a en ma maison vn de

B iij

leurs deputez, lequel ils ont enuoyé exprés vers moy.

Ouy, ne craignez point à leur dire, car ie suis resolu d'auoir le mien, il y va de mon honneur, & y consumeray le reste de mes iours, avec tous mes moyens : l'ay employé cent mil escus iusques icy en despences, & vne grande partie de mes amis, mes Regiments sont sur pied, ie ne puis plus m'en dédire, faictes estat que ie leur enuoyeray dans trois iours trois mil hommes dans le Gouuernement : l'ay dès ce iourd'huy Mardy du courant enuoyé la moitié de ma compagnie de Gensdarmes pour voir les murailles de la Rochelle, avec mandement exprés de tailler en pieces tous ceux qu'ils trouueront en armes, & prendre prisonniers ceux qui seront à leurs esbats.

Mr, ie suis marry que les choses aduancent si auant, le pauure peuple criera vengeance, vous ruinerez quatre mil familles, & la Rochelle n'en fera point à vous.

Je sçay bien que pour la Rochelle ie ne l'au-

ray point, mais ie leur ruineray toutes leurs maisons, & leur feray le pis que ie pourray, Ils detractent de moy à leur aduantage, & m'appellent loup gris, l'exempt des gardes m'a tefmoigne en presence d'hommes dignes de creance, qu'il n'auoit iamais plus trouué de rebellion que parmi eux, & qu'il le diroit à sa Majesté, mais par la corbieu ie m'en ressentiray.

Mr, ie ne doute point, que parmy vn grand nombre d'hommes, il n'y en aye d'impudés & mal aduisez: que si quelqu'un a esté si osé de parler mal à propos, ie m'asseure que Mr le Maire & son Conseil en ont fait les reprehensions telles que leur pouuoir le permet: voyla pourquoy il n'est raisonnable que le iuste porte la coulpe du mauuais.

Mrs de la Rochelle veulent faire les souverains, & empescher que ie ne dispose dumien, la terre de Surgeres m'appartient pour l'auoir acquise, par eschange de Madame de Montandre, mais par la corbieu Mr de la Trimouille n'en aura iamais lots ny ventes, ny homma-

ge, car ie l'ay fait en telle sorte que ie ne releueray de luy.

Mr, en quelle sorte qu'il soit, le deuoir deub à vn Seigneur ne peut estre tolly que par le Seigneur mesme, ie le sçay par experience.

Dy à Mrs de la Rochelle que i'ay fait descendre d'Angoulesme cinq pieces de Couleurnes que voila, & quatre que i'ay à Surgeres, que si elles ne sont bastantes i'auray recours à d'auantage.

Mr, ie prends congé de vous, & suis fort marry de voir vne augmentation d'aigreur, ce que ie ne croyois, du moins ie seray libre en ma vocation, & vous resmoigneray derechef que Mrs de la Rochelle veulent obeir au Roy.